



宛委山人詩集卷七

山陰

劉

正誼

戒謀



萬卷樓集上

將進酒

葡萄酒藥玉舟擊鮮截馘爲脯脩乘軒徒步各有  
命與君大笑營糟丘飲花晨酌月夕師劉伶友阮  
籍春衣典盡不須惜安得空江釀作醅狂來共學  
長鯨吸

陽春歌

天桃弄姿柳色新東風着意吹芳塵青絲絡轡誰

家子玉鞭鞭馬驕殺人踏花藉草恣行樂紅樓十  
二開珠箔百和薰衣迎所歡含情笑倚闌干角金  
尊百勸歡莫辭陽春好景能幾時不見西隣背花  
泣歲歲空傷遠別離

美女篇

寶釵不壓髻羅襦不着身新粧澹膏沐常恐浣天  
真窗前手種樹含英艷芳辰相憐復相賞慵踏大  
隄春大隄游冶郎邀結要路津黃金揮不惜玉帛  
通殷勤寧知窈窕女守禮羞自陳盛年處深閨誰  
謂非佳人

採蓮曲

蓮葉翠翻風蓮花紅映水舉棹蕩輕波來往橫塘  
裡鬢髮半垂肩十三學採蓮十五上蘭舟顏色如  
花鮮橫塘多舊侶並棹來私語借問昔年時相逢  
在何許無言低兩鬟笑指綠楊灣採蓮共坐花深  
處貪看鴛鴦不甯還

公無渡河

公無渡河如山白浪高峩峩河無舟楫安可過公  
無渡河天下滔滔者皆是公胡赴之揚其波公無  
渡河公終渡河公不顧悲哉奈此狂夫何



白頭吟

江漢水多可想其深荆棘地滿可望其平人獨何  
為不可測翻雲覆雨無定情昨朝金石堅明日波  
瀾生既不念於今盡瘁惟身在又寧追疇昔交歡  
以目成君心不變丘山重君意終衰草芥輕嗟余  
甘棄置願君保令名白頭吟無惡聲

行路難

君不見牧豕翁行年半百為人傭撐腸拄腹祗書  
史饑無半菽家屢空海濱寒風吹裋褐栖遲誰復  
哀其窮時來忽被天子召垂紳委珮明光宮平津

開第疇不羨承歡望色如雲從又不見負薪子敝  
衣草屨入城市一編手握口吟哦有婦隨行羞欲  
死與君義絕從此辭百年苦樂難相倚一朝徵作  
會稽守驚人寵遇誰能比微時故劍那堪求炎炎  
富貴誇閭里飲美酒烹肥羊為君擊節歌慨慷人  
生貴賤亦何常男兒具有飛揚意行路難兮勿自  
傷

戰城南

戰城南日欲暮矢鏃如雨萬騎奔鐵衣裹體寒不  
溫鼓衰力竭軍盡覆我叨天幸能生存馬革心久



列女山詩集 卷十  
甘沙場敢言苦酸風冷月射雙眸但聞啾啾戰魂  
語戰魂爾勿悲男兒生世間老死牖下非所宜修  
我戈矛從我王師桑乾曉渡絕漠宵馳附書與家  
人寧復顧恩私以身許國膏鋒刃剪紙招魂聽汝  
為

白馬篇

白馬鳴蕭蕭長征萬里遙已為西塞戍寧畏北風  
驕月落晨踰隴水堅夜渡遠邊城氣凜栗草木寒  
早凋俯搏道旁兔仰射雲中鵬勁敵方合圍控弦  
獨驕驍矢盡揮白刃誓埽欃槍消功成不自伐上

賞何必邀古來逢異數惟有霍嫖姚

仙人篇

百歲亦何短千齡未為長委形入黃埃孰辨彭與  
殤我慕餐霞人高乘鸞鶴翔西征涉流沙東遊薄  
扶桑饑採良常芝渴飲瑤池漿浮丘與容成攜手  
聊相羊因之離塵垢躡足仙人鄉道我升天樞金  
闕何輝煌方平揖我右麻姑立我旁繫我蒼玉珮  
被我紫霞裳駕言鞭赤虬瞬息周八荒眴彼塵世  
上擾擾如蚤螿

微雨

紅濕一林花風細寒猶淺開徑遲幽人春畦韭堪  
剪

霏霏勻草色漠漠暗晨光飛去雙黃鳥還來葉底  
藏

寄素堂日下

木樨香發送雙撓又過花期百五朝遠夢豈因新  
雨結濃愁難共暮烟銷鼠姑漸長春將老燕子重  
來人尚遙孔翠長籠飛不得凝眸天末實無聊  
逢場作戲日夸猶聞汝行踪笑不休事出才人便  
跌蕩品真名士合風流斜籠小帽香醪肆側鞞長

裾粉黛樓應念青青楊柳色閨中少婦已知愁

春雲

薄似輕綃展碧空飄颺無定逐東風晚來低渡春  
溪水遮斷桃花半岼紅

江天日暮影霏霏遙帶殘霞覆釣磯幾葉漁舟歌  
歎乃白鷗驚起與俱飛

贈漁父

泛宅清江曲終年一釣輪曝蓑青草岼買酒綠楊  
村笑指煙波濶慵將歲月論逢君還借問何處是  
桃源

柳

搖蕩東風拂畫軒  
笛聲吹折最愁聽  
隋宮春曉眉初展  
吳苑香銷眼倦醒  
燕掠鶯栖深淺水  
烟籠雨暗短長亭  
陌頭別有輕盈態  
一任靡蕪巧鬪青

暮春雜興

綠陰岑寂暗簾櫳  
春盡寒江暮雨中  
蕉萃西樓吟倦客  
還拋心力送殘紅

閒看衆鳥學飛騫  
蹋翅紛紜隨可憐  
因愛雷門丹頂鶴  
不從布鼓驟冲天

平蕪綠草抵裙腰  
郭外郵亭柳萬條  
記得征人此

繫馬煙山雲水去迢迢

畫舫香車入夢頻  
支離病裡過三春  
市門斜日凭闌望  
一片楊花不見人

鞦韆格磔鳥聲寒  
青草庭邊獨倚闌  
太息東風情最薄  
百花吹發又吹殘

越山蠟屐越溪船  
選勝娛懷歷歲年  
今日春風東郭路  
滿頭香雪思綿綿

送春二十韻

大隄競唱踏青詞  
正是韶光爛熳時  
水簇微波拖足練  
山橫遠翠染修眉  
當壚小市遊驄繫  
放棹長



苑委山人詩集 卷一  
橋画舫移燕尾巧裁花片片鶯梭細織柳絲絲入  
雲簫管朝常咽待月簾櫳夕未垂香徑麗人尋鳳  
子酒場名士鬪鵝兒青樓曲顧新翻調白社吟聯  
艷體詩綺袖閒窺車上露鈿釵爭拾陌頭遺麥餇  
乍笑初膠齒榆火俄驚又改炊幾處池塘飛絮滿  
五夏風雨杜鵑悲偶經南浦嗟零落却對東君賦  
別離綠樹有陰遮遠道紅英無力隋高枝燈挑孤  
館愁難埽繡刺空閨倦不支斜日平蕪千里望淡  
烟流水百回思贈來芍藥香猶歛開到荼蘼事可  
知魂斷鷓鴣還獨聽夢為蝴蝶或相隨三聲也叠

陽關曲一醉聊傾祖道卮憔悴已拚今日送殷勤  
更訂隔年期餘芬好倩銀缸照殘艷休將玉笛吹  
最怨春歸情太薄徒留芳草遍天涯

日暮江上和綺墅

鷗  
斜日下空洲孤帆向晚收一聲漁笛過驚起欲眠

樓中閒詠

神仙真有分性最愛樓居礙月常芟竹看山偶枕  
書墨香流小几花影入方疏目送歸鴻去遙遙唳  
碧虛

鴛鴦

雙飛雙宿向橫塘  
紅藕花深錦翼香  
相識木蘭舟上女  
晴波同泛到斜陽

獨酌

微雨濕菰柯  
濃陰覆深屋  
芳蕤委砌紅  
新篁過墻綠  
快書如異境  
流覽豁心目  
身與古爲徒  
悠然遠塵俗  
滿甕梨花春  
葛巾曾手漉  
扁扉無俗賓  
呼僮烹野藪  
披帙復啣杯  
餘事非吾欲  
侍側笑二豪  
伯倫猶局促  
我懷栗里翁  
千秋景高躅

禹陵

夏后陵封歲月深  
煙雲盤鬱樹蕭森  
神靈終古千山衛  
車馬當年萬國臨  
窆石蹲來疑豹立  
梅梁飛去作龍吟  
漢碑唐碣鏤明德  
惆悵銷沉不可尋

南鎮

東南巨鎮鬱嵯峨  
天矯蒼松掛薜蘿  
萬壑雲霞晴不散  
百靈風雨夜還過  
沿溪鳥語驕絲竹  
夾路山花妬綺羅  
最好年年寒食近  
傾城士女踏青多

爐峰

巔石渾如冶鑄成  
摩空不與衆峰并  
中宵圓月千尋掛  
破曉晴雲一縷生  
天女散花堪作供  
巨靈伸



掌那能擎振衣絕頂舒長嘯江海真同足練明

雲門

濛濛空翠冷霑裳行聽樵歌到上方僧採山穀拳  
蕨嫩客尋石竇乳泉香三冬雪積林巒淨六月風  
生枕簟涼大令幽居何處覓蒼烟深鎖一亭荒

吼山

百尺寒漪峭壁圍曾經鬼斧是耶非雨篩松葉濤  
初起風擾藤花雪碎飛麥壠人稀雙鷺下洞門棹  
響一僧歸攜樽更欲依雲石長日清吟坐翠微

柯山

空巖邃洞五丁開常有雲封絕點埃山記遺踪埋  
宿草壁留殘句繡蒼苔千行遠樹稠如薺一曲明  
湖小似杯安得中郎重到此還將修竹辯良材

蘭亭

風光仍是永和辰處處飛花餞暮春格磔鳥聲來  
茂樹翩翩蝶影入修筠勝情誰續流觴舊

宸翰重令裨帖新蘭渚餘芳猶可採年年裙屐集  
遊人

三江

衆流滙處隱蛟宮築石為梁儼渴虹鳥影半沉殘



霽外漁歌多在夕陽中潮來高湧千堆雪帆去遙  
乘萬里風好聽戍樓吹角起市燈無限映波紅

鑑湖

湖光渺渺碧無涯蘋末風生散曉霞出水魚苗噉  
落絮啣泥燕嘴帶殘花過橋白舫隨波泛繞郭青  
山傍岼斜千載高懷傳賀監曾將一曲乞官家

若耶溪

清溪曾照美人粧影落波心水亦香無復紅裙搖  
桂楫空餘白露冷蓮房花殘斷岼啼鶯老草短平  
隄舞蝶涼石上時時來浣女不知誰得似夸光

書帶草堂觀周子綱曾作畫賦贈

古來畫史傳者多肖形象物無差訛晉唐湮滅不  
可賤宋元近代曾觀摩吳興以前殊杳拖倪黃神  
妙誰譏訶興酣渲染心手和落筆疑與煙雲呵董  
源仲圭亦同科化工巧奪剛煩苛水流浩渺山嵯  
峨板橋竹屋幽人過對之起舞忘屢傴身如入画  
行陂陀周君品若干尋柯剡藤東絹時挪搓追蹤  
前哲愁蹉跎毫端變幻非么磨宛如書家書擘窠  
画山有骨水有波修篁老樹清羅羅一丘一壑堪  
婆娑請君縱筆我放歌茅堂更寫臨長河隙地不

掃鋪青莎旁通小舍牽烟蘿我欲逃俗羞媿何與  
君考槃同在阿快書橫几供吟哦卧遊其間樂且  
那

酒

頗愛麴生風味無慚從事勳名一斗能詩太白三  
升說易公明

懷章心齋

大來白下

離羣惜已久落葉動吟情遙憶青溪水斜連白下  
城歌聽商女度樽對酒人傾不見傳書雁江雲一  
片橫

贈方進士

燄光烘徹杏園春始信文章定有神四庫牙籤難  
燭擁六朝金粉落毫新祇看梁月疑顏色縱隔江  
天若比隣我願拾君牙後慧猶能辟易萬千人

賦就金陵擲有聲

方君曾作金陵賦贈炙人口

風簷筆陣壓群英百

城未勝攤緇帙一第還能惜短檠

昌黎詩牆角君看短檠棄

數去

仙才如李嶠傳來佳句似陰鏗於今著作誰堪並  
合占江東獨步名

納涼

茶煙輕颺午風清窗外敲篁作雨聲七尺琉璃閒



展卧不將一枕換公卿

飲荷

十頃荷香水繞波摘花擗葉任舟移擎杯呼起前  
灣月露冷風清看最宜

月

空濛香霧晚收殘閒倚雕闌靜夜看簾幙千家光  
徧照關山一點影常寒雲輕似幄鈎初掛花麗如  
奩鏡乍安獨有紅樓思婦苦銀箏斜抱不能彈

晚秋

殘菊有餘妍澹香生晚圃采掇步荒畦蟋蟀籬根

聚選石坐林間橫琴時一撫天長去雁遙山斷歸  
雲補瑟瑟起涼颼落葉多於雨

曉望

村樹烏初起江花露尚零寒山如一髮雲斷見遙  
青

自題看劍小影

咄嗟劉生爾儒者坐耽經史寒檠下峩冠縫掖不  
驚人長劍何為手中把三峽水深舟常傾九折坂  
危輪愁行古今絕險無逾此未若反復之人情朝  
亦看此劍夕亦看此劍歐冶當年曾百鍊四海心



知誰最真恩耶怨耶劍能辨風雨牀頭時嘯呼兒  
可割兮蛟可屠摩挲老鐵光如電羞令天下稱迂  
儒

懷延安司馬姚二次耕

河梁曾握手斜日一帆開萬里憐君去三秋見雁  
來看雲時倚劍乘月獨登臺可識 明廷意籌邊  
借異才

每過橋邊宅遙思塞上人應麾白羽扇嘗着紫綸  
巾柳掛秦關月花飛漢苑春宦游詩總好剪燭與  
誰論

雲門山寺

我尋雲門勝屐躡青筇攜萬山立曉岵勢欲摩空  
齊靈秀甲寰宇豈惟雄會稽細路如蚓曲分寸容  
攀躋異境天為開竹樹蒙招提午磬歇清響山鳥  
嚶嚶啼初地淨無染息念叅禪栖惜少嬾殘僧瓦  
鐺炊芋糜翠幔密垂壁白雲飛滿溪選勝擬康樂  
琢句追昌黎好景涉難盡夕春何易低返駕謝緇  
素長嘯循前蹊

今素剡溪秋泛圖

翠積寒山見幾層沿溪瘦石吐丰稜江東賦手惟

君妙好聽秋聲寫剡藤  
坐對空明鏡一奩筆牀書簾兩相兼我慚才調非  
劉尹也向舟前識孝廉

病

瘦減休文帶多愁病易侵殘冬人獨臥今雨客稀  
尋久斷杯中物新添枕上吟梅花猶夢我香味送  
盈襟

口號

莫歎樽無綠牀頭有濁醪更闌不成寐只是讀離  
騷

雪

天女凌虛騎白鳳徧散瑤花作清供堆檐綴幕光  
照人凹硯冰凝曉呵凍狂吟此際塵慮捐玉山千  
疊當樓前空堦密灑欲盈尺白鵬失素鶴奪鮮悠  
揚無定隨風下僧舍旗亭堪入画灞曲尋詩不畏  
遙剡溪乘興偏宜夜行廚遠送羅盤餐古人高致  
今人難羊羔錦帳誇豪舉何似龍門終朝看

次韻和東坡岐下寄子由詩三首

饋歲

椒醕旨且芬紫荔黃柑佐風俗重歲除市肆羅百



宛委山人詩集 卷十  
貨購易爭饋貽無小更無大一卮酌詩編笑對餅  
梅卧長鬚雜沓來謹呼驚我座主命致殷勤餅飴  
新春磨為酬人事繁更惜年華過險韻繼蘇髯今  
古遙相和

別歲

餞歲傾芳醪勿令飛觴遲羲和不停轡夸父安能  
追嗟我同心侶遠在天一涯撫景疾如矢握手知  
何時家人羅糝盆烹羶而炙肥豈無窮簷士卧擁  
牛衣悲坐看韶節至漸喜寒威辭努力期致身盛  
年亦易衰

守歲

鈿釵棲綵燕高髻盤靈蛇歡言酌婪尾紅燭羅屏  
遮早梅漏春光夜色將如何比隣同不寐笑語燈  
前譁迎年與送臘譙鼓殘宵過屋角爛明星北斗  
闌干斜看人矜意氣顧我成蹉跎狂吟更命酒得  
句還堪誇

小松

拳石為山撮土封盤根瘦幹翠重重謾言未具凌  
霄勢尺木從來易化龍



宛委山人詩集卷七

宛委山人詩集卷八

山陰

劉正誼

戒謀

萬卷樓集下

春陌

漲落一篙水淺雨餘雙屐泥  
淡處處王孫草色邨  
村小婦桑陰  
草淺車聲軋軋林深鳥語  
啾啾画舫綠波岼尾酒  
壚紅板橋頭

唐六如鞦韆圖

柳絲踈徑花盈牆流鶯飛上啼春光  
綠窻女兒嬌

倦繡呼伴閒消三春長笑看画架高於閣纖纖素  
指扶紅索午風淡蕩吹輕裾綵雲一片空中落金  
閨解元筆意奇生綃染出超群姿曲欄小院曾逢  
此魂銷隨地飄然時

蜂

不憚朝寒浥露華翁翁飛過綠窓紗梨花深處無  
人見抱得香鬚入早衙

蝶

輕掠殘紅點翠苔翩翩舞影入人懷俱飛祗近雲  
鬟側不讓蜻蜓占玉釵

與查軒思亭小集翠郭香苑偶論簪人香  
奩詩得春欲生何處語即席各賦六首

春欲生何處春生兩髻中低將新月襯巧比薄雲  
籠柳拂還分綠花飄偶綴紅不同征戍婦終日咏  
飛蓬

春欲生何處春生繡領中不嫌歌扇掩偏稱舞衫  
瓏穉笋難相並柔荑或許同最憐人靜夜扶徧画  
欄東

春欲生何處春生繡領中不嫌歌扇掩偏稱舞衫  
工舊染脂痕艷新沾粉汗融燈前鬆玉釵半臂露

輕紅

春欲生何處春生小語中避人褰繡幔絮影傍蘭  
叢瓠齒嬌藏白櫻唇怯綻紅回眸看鸚鵡恰喜睡  
雕籠

春欲生何處春生鬪草中一莖矜獨異百種許誰  
同坐倩紅裙畏攜將翠袖籠羸歸玉條脫含笑倚  
房櫳

春欲生何處春生拈韻中含情箋未擘叉手句先  
工自是能吟謝原非記曲紅與郎花底約酬和倩  
詩筒

錢塘曲倣溫飛卿

春風吹花如剪綺淺碧淡紅低照水草香蛺蝶去  
還來沙暖鴛鴦眠不起落日滿江潮正平画樓倚  
岼調銀箏餘杭酒好莫辭醉燭艷樽濃無限情

春燈

一尺蘭缸綴玉蟲憐春謝豹咽東風夜闌怕聽瀟  
瀟雨留照梨花小閣中

孤山

當年林處士不負此孤山屋空栽梅補舟輕放鶴  
還清風留水際好句落人間一自藏仙骨林泉盡



不頑

湖上

匏樽兼画榼小艇縱情移波上雙蘭槩花間一酒  
旗笙歌甘獨避鷗鷺許相隨最好深宵靜湖心月  
到時

自昭慶寺至于忠肅墓

旃林得小憩風有清淨因晨興飯伊蒲花露如輕  
塵初日上林杪影動湖光新画艇泛漣漪魚鳥來  
相親南高北高峰千仞青嶙峋捨舟循山足嫩草  
鋪重茵遊人競簫鼓此地稀車輪逶迤度丘壠石

獸當前蹲殿宇立巍煥宰樹拱輪囷吁嗟于忠肅  
藏魄永不泯思昔土木難國步多遭迤畫策定危  
疑公真社稷臣載拜陳微詞低徊薦芳蘋遭謫在  
一朝浩氣千秋伸奪門徐與石朽骨埋荆榛狐兔  
穴其內寂寞悲荒燐

對月

上弦月漸圓下弦月漸缺酌酒坐花前莫負圓時  
節

無眠對皓月坐到五更殘遙憶紅閨裡含情一樣  
看

西湖晚眺

六橋柳影掛殘暉紅雨飄來不濕衣蘇小宅荒芳草滿水仙祠冷暮烟圍平鋪隄面香車杳空盡湖心畫舫歸西子澹粧看更好月明風細倍依依

宮詞

螺墨空勞給画眉粧成不似入宮時妾顏那及緋桃艷敢怨天家雨露私

舊識西宮老貴嬪舞衣無復替時新長門月冷邀同看閒話昭陽得意人

庭花落盡掩金鋪中使傳宣玉殿趨自是君恩原

不薄含桃分賜抵紅珠

月殿風簾給事歸御香經歲在羅衣寂寥又送青春去愁見宮鶯一度飛

苦雨行

雨鳩日日鳴溪樹東海陽烏匿何處桃花李花歷亂飛一半春光塵土污小軒簷溜如飛泉奔流倒瀉空堦穿凭樓遠望明湖曲峯峰濃翠埋朝烟黑雲蔽空何靈霄新漲平隄失原隰唼荇魚兒畏浪高補巢燕子愁泥濕河橋咫尺酒易沽雨工醉作羣羊驅安能陰暄一時斂笑看曙色如珊瑚



落花十首

菽菽驚飄枝漸空側寒多在画樓東薄雲低閣孟  
婆雨小草初生茸母風落几疑拋粧罷粉沾衣悞  
認綉殘絨綠窓人覺今朝嬾強聽鶯聲立井桐  
風前滴粉更搓酥醉倚高樓一笛孤未必返魂如  
聚窟若教裁錦勝成都粧殘尚照三更燭艷冷誰  
酬數斛珠第七橋邊紅滿地青溪曾訪蔣家姑  
半枝猶繞數蜂鳴無限香銷更繫情曾傍綠雲當  
鏡立忽凝紅雪與階平馬驕還覓行春路鳩拙偏  
饒喚雨聲惆悵山村千萬樹連朝多付一犁耕

聞道田家漸卜蛙綠陰連野更濃遮幾多雨洗朱  
兼碧一半風吹整復斜倚市雛姬能賣酒出林小  
鳥罷啼海棠梨也覺紛紛盡冷落荒園舊竹筓  
一夕封姨恣意剛曉闌岑寂杳難攀湘江淚點烟  
中落睂井脂痕雨後班無復低徊歌白紵可堪飄  
泊損紅顏画眉小婦當壚坐數盡飛花感遠山  
半隋芳堤半画溪飛來嬌鳥盡情啼休逢蕩子車  
頻碾好上佳人幕暫栖朝雨溟濛香未散晚風撩  
亂蝶應迷不知春欲歸何處一望靡蕪色正萋  
檢點春光賸幾旬風狂雨妬却偏勻曾經開處張



為幄莫負飛來疊作茵宿粉猶承蛛網露殘香已  
入馬蹄塵漫言剪綵渾多事千樹無花便覺貧  
蛺蝶衣輕漸褪黃柳飛晴絮尚顛狂拋殘羅綺春  
情薄沾濕簾櫳露影灑南國千山攢翠黛東君一  
夕嫁紅粧苔堦深積休輕掃留作新來飼鶴糧  
漫言修禊暢幽懷渺渺春愁未有涯芳露滴時脂  
漸冷麴塵吹處玉深埋輕盈不耐窺鸞鏡狼籍還  
宜傍燕釵賴有惜花人自巧枝枝如粟綉弓鞋  
桃根桃葉楫遙遙江左風流數晉朝為憶飛歸雙  
乳燕不知老盡幾柔條露凝細草迷荒苑人折殘

枝過板橋腸斷當時騎馬路滿樓紅袖隔簾招

寄白坡

落拓名場上詩瓢到處攜臨流借吟屋可是浣花  
溪

夜雨

墨雲含雨溼空宵幾樹庭花已盡凋笑囑封姨吹  
散盡莫教一點上芭蕉

余與諸同學結詩巢宛委山擬祀鄉先生  
五人唐賀季真方雄飛宋陸放翁元楊廉  
夫有明徐文長迺作五君詠

賀知章

解組辭青瑣投簪着黃冠一曲鑑湖上結屋燒金丹披襟恣放浪風月無邊看至今想高致矯矯雲中鸞

方干

誅茅南湖居巘壑為襟帶尋寺問名園意興何矜邁凭几日清吟好句人爭丐一第慰九泉於君視如芥

陸游

劍南詩最富如傾萬斛泉當年宋裕陵呼為小謫

仙憂時與憤俗落紙均堪傳家家画團扇詎遜圖凌烟

楊維禎

金樽醉兩湖鐵笛橫三泖麗句繡雲霞閒情寄花草未知讀何書乃有公懷抱天際一冥鴻不作籠中鳥

徐渭

白袷遊戟門青藤垂老屋不可一世人睥睨皆臣僕天既縱大才何妨慳庸福載拜向先生辦香供一掬



遊雲門山用東坡再遊徑山韻

山花澗草曉露濯踏磴穿林鳥先覺隔溪樵斧鳴  
丁丁危峰落雲雲可握巖垂弱蔓泉琮瑤徑偃蒼  
松石犖确但得名山躡屐登底用拂衣遊五嶽欲  
收好景入奚囊信口哦成少追琢烟嵐倏忽萬壑  
生不辨東西與南朔修修翠篠笋初長未解錦綳  
玉在璞老藤佶曲峭壁懸宛似潛虬相撲捉幾尺  
孤筇手自攜興劇狂歌當橫槊天風吹度疎鐘聲  
寂歷禪扉開一角笑從野衲借蕉團息心暫證無  
生學經翻貝葉說三乘薜煮清泉蠲五濁斜暉入

岫客倦還山櫻滿地幽禽咏往哲高踪憶放翁青  
鞋布襪來遊數

泉

到來清照影如鏡曉開奩沫濺苔衣潤渦旋石髮  
纖松雲長日覆山雨昨宵添一飲塵心淨中冷味  
已兼

寄戴孝廉

驚人著作許誰能海內爭傳有戴憑一夕談深欣  
剪燭十年心折想擔簦群空北冀真推駿水擊南  
溟已化鵬白玉堂高君好上坐分藜火擁青綾



鑑湖竹枝詞

滿湖花影漾晴光  
拍舫風來不畏狂  
喚取隣舟相並去  
儂家祇在画橋旁

玉貌女郎朝浣紗  
听花低拂綠鬟斜  
遊人多向花邊語  
近日湖頭勝若耶

白板船遮烏篾篷  
載儂不離鏡湖中  
新粧低向波心照  
齊露春衫幾褶紅

儂家湖東郎听西門前  
綠樹宿黃鸝  
自從隔歲不相見  
飛去黃鸝烏夜啼

寒食雨餘湖水鮮  
停撓羅綺遍晴阡  
長裙冶袖誰

家女獨立花茵拜墓田

密竹疎花傍畫扉  
湖風初煖試羅衣  
團圓最愛新紈扇  
笑撲一雙蝴蝶歸

水禽拍拍鳴沙間  
朝出採菱暮未還  
學唱吳歌搖月去  
餘音猶在綠楊灣

邊郎良夜摘船行  
歷歷春星照水明  
箕好風來畢好雨  
阿儂只是愛長晴

咏蟬和鶴泉

淒切難為聽  
秋山萬木中有時  
臨汴水無路向齊宮  
抱葉餐晨露  
栖條咽晚風  
却憐妝閣裏  
髻影巧

能同

讀韓文公集書後

初讀昌黎詩目注心茫然少見多所怪不敢驟棄  
捐沉思累朝夕字句窮鑽研有如登華嶽三峰直  
接天其高不可涉仰視生雲烟又如浮震澤千尋  
始及淵其深莫能測俛瞰皆淪漣元和體漸降風  
雅道變遷公乃闢榛蕪大力能仔肩落筆羞雷同  
盡欲空前賢至今把遺集字字皆可傳沉酣石鼓  
歌寢食南山篇

淚

歡時爭羨眼波橫每到銷魂帶恨傾暗滴紅粧和  
影語輕沾翠袖送人行曉風千點彈虛幌夜雨雙  
行對短檠最是絮飛花落後枕函濕盡杜鵑聲

聞雁寄施二蓮溪

岑寂江東客初聞塞雁聲一行來遠渚片影落高  
城樹帶秋雲瘦波流夕照明懷君不可見無限倚  
樓情

題秋香圖

金樞崢嶸俯瑤砌明霞剪裾鳳盤髻盡餐靈藥飛  
成仙亘古長存玉顏麗步虛冉冉乘天風影落人



寰絕塵翳我聞廣寒之宮居碧霄白榆含光相附  
離去聲霜毫老兔操杵白微物騰空亦神異中植娑  
婆樹最奇五十尋高吐華桂望舒為御素女列豈  
有妖蠶敢吞噬銀漢無波夜氣清皎如水鏡掛天  
際讀書螢乾寧足愁常借餘明不遑寐瓊樓玉宇  
深幾層倚檻徘徊徒仰睇誰將妙墨繪仙姿近覩  
霓裳與星帔蕭齋布席屏俗氛焚以都梁薦蘭蕙  
雲梯足躡夙所期生平溫飽非吾志得分金粟一  
枝香鐵硯何須手磨敝

山寺

尋幽入初地溪上暮山橫日落松陰冷風鳴竹韻  
清共僧參慧業留客飯香杭放眼看林壑翛然物  
外情

高閣還重倚凭闌對夕暉千山黃葉響一壑白雲  
飛霜菓寒初落秋蔬晚更肥遠公能釀酒蓮社願  
皈依

東坡金蓮歸院圖

深宮禁漏已頻移想見當年入對時乙夜鴻詞陳  
黼座兩行蓮炬出彤墀過人異數身能占絕世奇  
才主早知雖與先生隔千古披圖猶得挹鬚眉



楊翰林

開沅

刻先戡山公全書行世喜甚

賦此并寄楊君

楚州自管稱雄都長淮襟帶環郊郭不數百里接  
東魯沐浴聖化多名儒摛華採藻著簡冊氣節迥  
與群倫殊楊君弱冠瞻文彩六經子史為菑畚旁  
搜風雅去蕪穢手操不律如耨鋤公車射策占高  
第鳴珂入直承明廬螭頭豹尾日侍從鄒枚嚴樂  
同步趨分編舊史景前哲身雖隔代心為輸繫先  
忠端生勝國上應列宿昭寰區幼孤至孝格蒼昊  
白鶴繞舍庭巢烏閑邪存誠慎所學遠溯孔孟遵

程朱初當釋褐世漸降封事侃侃陳訐謨神廟末  
年政蔽脞群陰競進賢人沮光宗嗣統亡已兆奄  
奴乳媪交相踰視漢桓靈禍尤烈太阿倒授鼠與  
狐批鱗切諫拒不納拂衣遂乞知章湖乾兒義子  
據高位君側左右皆夔魑忠良肝腦半塗地救之  
不得時悲呼烈皇初立鑒前失乾綱獨奮奸邪誅  
傷哉明祚不復振國勢日蹙無良圖烏程宜興相  
繼用主聰蒙蔽工讒諛當時廷對及諸疏嘉猷碩  
畫誠非迂帝終不悟放歸越心憂大厦傾難扶甲  
申之歲流氛熾神京淪喪九廟墟鼎湖龍髯莫能

挽北嚮淚竭雙眸枯南都馬阮持大柄處堂燕雀  
忘置罽宮中艷曲奏未已銅駝僵仆埋青蕪玉步  
旣更復何望獨留浩氣還太虛西山有薇餓不採  
兩旬絕粒形神舒人心陷溺歿猶慮闡明正學傳  
生徒生平握槩不少懈等身著述多遺書百餘年  
來藏篋衍焚芸辟蠹同璠璣子孫清貧食破硯力  
不能梓長歎歎楊君論世發深慨惜公經濟不得  
敷折衷諸儒成論註其餘文字齊歐蘇篇章歷久  
慮散軼哀舉全集爲雕鏤賤子聞之喜遙謝五體  
投地學拜膜何時商訂玉堂側九天咳唾親沾濡

俯仰今昔誰可並如斯高誼千秋無吁嗟乎如斯  
高誼千秋無

孤雲

一片橫天際悠然共我閒何當作霖雨露灑遍人  
間

次韻答贈秦二琛

終賈齊年飲令名前身疑汝謫青城湖山寫作詩  
中画金石聞來賦裡聲一枕紅窓卧化蝶雙柑綠  
樹坐聽鶯自慚久號尋芳客始識汀洲有杜蘅  
家昔長城本莫過笑修殘壘自婆娑長誇赤檝搴



宛委山人詩集 卷八  
應少不憤秦師薄又多藝苑憑君才獨伯文園歎  
我病成魔一溪流水青山下補屋涼涼採薜蘿

望種山

嶙峋千尺俯城闈烟鎖雲封秋復春莫訝群山難  
與並當年曾住卧薪人

晚泊

一幅蒲帆落晚風水禽飛盡暮江空洲前漁火樓  
頭笛恰似徐熙畫障中

秦望山二十韻

岩嶢疑拔地萃嶺欲摩天俯帶千巘翠平分萬壑

煙石寒常積雪松老不知年過虎風初厲啼猿月  
正懸危崖藏異卉峭壁掛流泉谷轉眸俱豁峰回  
步又遄遊人誰奮迅飛鳥自翩翾蘿引還攀磴雲  
開更陟巔放歌情浩浩騁目意亾亾遠樹纖如芥  
群山小似拳蒼旻堪問也呼吸可通焉越甸宜稱  
嶽秦皇此望仙從臣森羽衛勇士挽輜輶絲竹空  
中奏旌旗象外鮮雄州環井邑大海瀉杯捲縹緲  
思壺嶠低徊想倥傯嵐光浮足底霞影落眉邊遺  
跡留殘碣奇文沒舊鐫憑高聊俛仰懷古紀詩篇  
更盡登臨興遙看落日圓



宛委山人詩集卷八

